



Saamixida Khidmadaha Laanta Socdaalka

Immigration Fee Waivers



Qaar badan oo ka mid ah foomamka USCIS waa ay isbedelayaan iminka! Ka eeg shabakada ([USCIS website](#)) si aad u hubiso in aad isticmaalayso foomkii ugu dambeeyey ka hor inta aadan waxba u dirin. Haddii aad u dirto foom khalad ah waxaa dhici karta inaad wax walba dib u bilowdo!

Waa maxay Saamixida khidmadu?

Kolka aad u dirsato codsi laanta socdaalka (immigration), badanaa waxaa jira kharash ama khidmad ay tahay inaad ku bixiso xareysiga codsiga. Marmarka qaarkood, waxa aad codsan kartaa “khidmad ka saamixid.” Haddii laanta socdaalku ay ansaxiso codsigaaga ka saamixida khidmada, ma aha inaad bixiso khidmadda xareysiga. Laakiin haddii khidmadda xareysiga lagaa saamaxo, waxaa dhici karta inaad wali bixiso khidmad kale.

Ciddee ayaa heli karta ka saamixida khidmada?

Si aad u hesho khidmad ka saamixida, waa inaad codsataa adigoo buuxinaya Foomka I-912, (Form I-912), Codsiga Khidmad Saamixida. Laakiin, waa inaad tusto laanta socdaalka inaad bixin karin khidmada xareysiga. Waxa aad u baahan tahay inaad cadeyso ugu yaraan 1 ka mid ah sedexdaan waxyaabood:



1. Haddii aad hesho manfacyada dowlada sida kiro caawinta, cunto, MFIP, SSI, ama MA.
ama
2. Dakhligaagu uu hooseeyo
ama
3. Ay ku haysato dar-xummo dhaqaale, sida kharashaad badan ama shaqo ama guri la'aan aad noqotay

Ogow: Waad aad sheegan kartaa hal mid ka badan oo sababaha ah haddii aad cadeyn kartid. Laakiin waxaa ugu fududaan karta inaad hesho khidmad ka saamaxid haddii aad doorato hal wax kaliya.

Sidee ayaan ku cadeyn karaa inaad u baahnahay saamixida khidmada?

Kuwani waa qaabab aad ku cadayn karto inaad u baahan tahay khidmad saamixid:

- Haddii aad qorato inaad hesho manfacyo dowladeed, uga dir nuqul (copy) warqadda Degmadda ama Maamulka Sooshal Security (Social Security Administration Manfacyaddu waxa ay u baahan yihiin inay noqdaan kuwa adiga ama madaxa qoyskaaga ay ku qoran yihiin. Ee aysan noqon kuwo xubnaha kale ee qoyskaaga ama ciyaalka la siiyo. Warqadda aad soo dirto waa inay

cadeyaa in aad hadda manfac dowladeed heshid, kolkaa hubi inay cadeyso waxyaabaha sidda nooca manfaca, waqtiga lagu ogolaaday, waqtiga ay dhacayso, iyo/ama waqtiga cusboonaysiinta. Ha isticmaalin daabacida ay baaqyada uuni ku qoran yihiin ee hay'ada USCIS ku aysan fahmi karin.

- Hadii aad qorato in dakhligaagu hooseeyo, ka soo dir nuqul warqadaha canshuurtii ugu dambeysay ee aad xareysay ama nuquladda (copies) jeegtaadda dabadooda ee ugu yaraan bishii la soo dhaafay.
- Hadii aad qorato in dar-xuumo dhaqaale ay ku haysato, soo dir cadeyn. Tusaale ahaan, nuqulada biilalka waaweyn ee lagaa rabo, warqad qolada shaqadaada oo oranaysa in shaqadii kaa dhamaatay, cadeyn ah in gurigaaga lagaa saarayo. Sidoo kale ka soo dir nuqulada dhamaan biilalkaaga aad bil walba bixiso.

Ma u codsan karaa khidmad ka saamixid wax codsi ah?

Maya, uma aad isticmaali kartid saamixida khidmada dhamaan codsiyada laanta socdaalka.

Waxa aad u isticmaali kartaa codsiyada sida:

- **Form I-90** Codsiga lagu bedelayo Kaarka Degnaanshaha Rasmiga ah
- **Form I-765** Codsiga Warqada Ruqsada Shaqada (marka laga reebo DACA)
- **Form I-751** Arjiga ka Qaadida Shuruudaha Sharciga Deganaanta
- **Form N-400** Codsiga Dhalashada (Muwaadinimada)
- **Form N-600** Codsiga Shahaadadda Muwaadinimada
- **Form N-336** Codsiga dacwo dhagaysiga oo ku saabsan Go'aanka ka soo baxay Nidaamka Dhalasho Qaadashada sida ku qoran Qaybta 336 ee sharciga (tani waa racfaanka laga qaado diidmada muwaadinimada)
- **Form I-485** Codsiga Isu-diiwaan gelinta Daganaansho rasmi ah ama wax looga Bedelayo Sharcigaaga. Kani waa codsiga kaarkaaga deganaanshaha (green card). Waxa aad u heli kartaa khidmad saamixid qaar ka mid ah kiisaska, laakiin aan ahayn dhamaan. Tusaale ahaan: waxa aad heli kartaa khidmad ka saamixid haddii aad tahay magangelyo codsade. Ogow: haddii aad tahay ama aad horey u ahayd dhibane tacadi loo geystay, aadna codsanayso sharci ku salaysan fiisaha U (U visa), fiisaha T (T visa), VAWA ama sharci Muhaajirka Gaarka ah, hadda wixii ka dambeeya ma ay jiri doonaan wax khidmad ah oo la bixinayo.
- **Form I-290B** Ogaysiiska Racfaan Qaadashada ama Dacwo. Marmarka qaarkood waxa aad u heli kartaa khidmad ka saamixid foomkan.



Wixii [faahfaahin codsiyada](https://www.uscis.gov/sites/default/files/document/forms/i-912instr.pdf) aad u heli karo khidmad saamixida gal:

<https://www.uscis.gov/sites/default/files/document/forms/i-912instr.pdf>.

Bishii Luulyo 2025, sharci cusub ayaa wax ka bedelay khidmadaha codsiyo badan. Codsiyadda qaarkood, sharcigu waxa uu u baahan yahay khidmad cusub oo kale oo la socota khidmaha xareysiga. Xataa haddii aad xaq u leedahay saamixid khidmadda xareysiga, waa khasab inaad bixiso khidmad kale oo dheeraad ah.

Hadda waxaa jira khidmad \$100 oo lagu bixiyo codsiyadda magangelyadda. Khidmadan lama saamixi karo. Intaa waxaa dheer, codsadyaasha magangelyaddu waa inay bixiyaan khidmad sannadle ah oo \$100 ah sannad walba oo codsigoodda hawshiisu socoto. Ka ogow khidmadaha xareysiga iyo khidmadaha kale ee dheeriga ah ee wixii foom laanta socdaalku leedahay oo laga buuxinayo khadka (online) barta ah <https://uscis.gov/g-1055>.

Sidee ayaan u codsadaa khidmad saamixid?

Si aad u codsato khidmad saamixid, **buuxi Foomka I-912**. Ama Gal <https://www.uscis.gov/i-912>.

Waxaad kale oo aad ka heli kartaa foomamka hay'ada USCIS hadii aad wacdo Khadka Codsiga Foomamka ee lacag la'aanta ah ee ah 1-800-870-3676.

- Ka buuxi Foomka I-912 khadka (online) ka ama daabaco AMA
- Ugu buuxi Foomka I-912 ee la daabacay si TAXADAR LEH gacanta iyo khad madow

Boostada soo Dhig Foomka I-912. Ku lifaaq cadeyn ah sababta aad ugu baahan tahay khidmad ka saamixida codsigaaga la soo buuxiyey (I-90, N-400 iwm). **Ha soo kala dirin labadooda!** Ugu soo dir codsigaaga, codsigaga ka saamixida khidmada iyo cadeyntaada ciwaanka lagu bixiyey “Meesha laga xareysto” ee tilmaamaha codsigaaga laanta socdaalka ama foomka arjiga.

Hadii laanta socdaalku ay ansaxiso codsiga saamixida khidmada ah, waxaa lagu soo diri doonaa rasiid ogaysiis ah oo ay ku qoran tahay cadadka lacagta xareysiga oo ah \$0. Ogaysiiskan waxaa kaloo dhici karta inuu yiraa “khidmad saamixida waa la ansaxiyey.”

Maxaa dhici hadii ay yiraahdaan ma aan heli karo khidmad ka saamixid?

Hadii laanta socdaalku ay diido khidmad saamixida, waxa ay kuu soo diri ogaysiis ku waydiinaya inaad keento cadeymo kale oo ku saabsan sababta aadan u bixin karin khidmada. Codsigaaga iyo wixii kale ee warqado ah ee aad dirtay dib ayey kuu soo diri. Kolkaa waxa aad haysataa 2 waxyaabood oo aad kala dooran karto:

- 1) Waxa aad dib ugu diri kartaa codsiga saamixida oo ay weheliyaan akhbaarta ay codsadeen, iyo codsiga iyo warqadaha kale, ama
- 2) Waxa aad soo diri kartaa codsigaaga uun waana aad iska bixin khidmada.



DIGNIIN!

Aad iyo aad u taxadar ka hor intaa aadan u gudbin codsi laanta socdaalka. Marmarka qaarkood, hadii codsigaaga la diido, waxaa lagu gelin karaa hanaanka dadka la masaafurinayo. Hadii aad horey u gaysatay dambiyada qaarkood, aad been u sheegtay dowlada waxaa lagu gelin karaa hanaanka dadka la masaafurinayo. XASUUSNOW:

Laanta socdaalku waxa ay eegi kartaa DHAMAAN taariikhda oo dhan.

Ka hel talo qareen qaabilsan sharciyada laanta socdaalka. Qareenku waxa uu ka caawin karaa inuu hubiyo in wax walbaa hagaagsan yihiin!

Buuxinta Foomka I-912 ee Saamixida Khidmada

Akhbaarta Guud

Hadii waxa foomka ku qorani aysan adiga ku quseeyn ku qor "N/A" (Ma quseeyso) hadii aan tilmaamahu aysan kuu sheegin wax kale oo taa ka duwan. Hadii jawaabtu ay tahay waxba, ku qor "Waxba" ("None.")

Hadii aad ugu baahato meel badan si aad jawaab ugu qorto, isticmaal qaybta "akhbaarta dheeraadka ah" ee bogga ugu dambeeya foomka ama warqad ka gooni ah foomka. Warqada korkeeda kore ku qor magacaaga iyo Lambarka Diiwaangelinta Dadka Qalaad (A-Number), hadii aad leedahay. Sidoo kale qor labadaba lambarka qaybta iyo kan shayga aad ka jawaabayso.



Qaybta 1 – Sababta Codsigaaga (Sababta aad ugu baahan tahay saamixida)

Calaamadi xulashada muujinaysa sababta aad u codsanayso khidmad saamixida. Waxa aad u baahan tahay inaad doorato mid uun, laakiin hadii in ka badan hal nooc ay adiga ku quseeyaan, waa aad dooran kartaa hal ka badan. Hadii aad doorato hal ka badan, waa khasab inaad bixiso dukumiintiyada mid walba gaar uga hadlaya.

Dooro 1 hadii aad hesho manfacyo dowladeed (ee la yiraa "manfacyada danta ku xiran" sida MFIP, SSI, MA iwm Haddii xilahaaga, qof nolosha aad wadaagtaan, ama waalid uu helo manfacyo, sidoo kale waa aad dooran kartaa midan. Xaq uguma lehid sababtan hadii ilmahaaga kaliya ahi ay manfacyada dowlada helaan. Waa inaad soo dirtaa dukumiintiyada cadeynaya inaad adiga (xilahaaga/qofka nolosha aad la wadaagto) aad heshaan manfacyo. Qoraal dhawaan ka soo baxay degmada ama Maamulka Sooshaal Sakuuratiga (Social Security Administration) oo cadeynaya manfaca iyo cadadka adiga (ama iyagu) aad heshaan bil walba waa cadeyn wanaagsan.

Dooro 2 hadii aadan helin manfac dowladeed laakiin dakhiga qoyskaagu uu yar yahay ama ka hooseeyo 150% Habraaca Saboolnimada ee Dowlada Dhexe. Waa inaad soo dirto canshuur-celintaada si aad u cadayso. Haddii aadan xareysan canshuur-celin ama dakhligaagu uu is-bedelay waxa aad soo diri kartaa jeeg shaqo dabadood ama cadeymo kale. Si aad u ogaato akhbaar ku saabsan Habraaca Saboolnimada ee Dowlada Dhexe gal: <https://www.uscis.gov/forms/filing-fees/poverty-guidelines>. Riix ka dibna linkiga yiraa I-912P. Riix falaarta hoos u jeeda si aad u xulato gobolkaaga. Ogow: dhamaan gobolada oo dhan marka laga reebo Alaska iyo Hawaii waxa ay soo hoos galaan midka koowaad.

Dooro 3 Hadii sababaha kale aysan adiga ku quseeyn laakiin ay ku haysato dar-xummo dhaqaale iyadoo sababtu waxyaabaha sida kharashaad caafimaad, shaqo la'aan guri ka saarid ama hoy la'aan. Waa inaad soo dirtaa dukumiintiyada cadeeya arrimaha. Tusaale ahaan, nuqulada kharashaadka caafimaad ee lagugu leeyahay, warqad qolada shaqadaada oo oranaysa in shaqadii kaa dhamaatay, cadeyn ah in guriga lagaa saarayo.

Qaybta 2 – Akhbaarta Adiga kugu saabsan

Buuxi akhbaarta adiga kugu saabsan, hadii aad tahay qofka u baahan ka saamaxid khidmada. Haddii aad leedahay cid aad mas’uul ka tahay oo iyana qayb ka ah codsiga, ku bixi akhbaarta Qaybta 3.

Haddii aad leedahay 2 magac oo dambe, ku qor labada magac ee dambe santuukha Magaca Qoyska.

Su’aasha 8 aad ee ku saabsan xaalada guurka, guurarka diinta ama dhaqanka uun la isku guursado ee dowlada wadanka aad u dhalatay aysan aqoonsanayn ma xisaabsana.

Qaybta 3 – Codsiyada iyo Arjiyada aad u Codsanayso khidmad ka Saamixida

haddii aad u codsanayso khidmad saamaxid hal codsiga oo adiga naftaada kaliya ah, kaliya ku buuxi hal layn oo santuukha ah kaliya akhbaartaada. Haddii aad u codsanayso ilmahaaga ama xilahaaga isla markaa aad codsanayso aadna doonayso in sidoo kale iyana laga saamaxo khidmadaha codsiyadooda, u buuxi hal layn oo santuukha ah qof walba ee codsi leh. Haddii xubnaha qoyskaagu aysan codsanayn isla markaa aad adigu codsanayso, uma baahnid inaad halkan ku qorto.

Tusaale ahaan, hadii adiga iyo ilmahaagu aad labadiinuba codsanaysaan inaad noqotaan daganaanayaal rasmi ah isku mar, kolkaa waxa aad ku buuxin hal layn oo santuukhan ah akhbaartaada, hal layn oo kale oo santuukhan ahna waxa aad ku buuxin akhbaarta ilmaha. “Tirada guud ee foomamka” ee salka santuukhu waa inay is waafaqaan tirada codsiyada ah ee aad u dirayso laanta socdaalka hadii aad rabto in laga saamaxo khidmadaha dhamaan codsiyada oo dhan.



Qaybta 4 – Manfacyada Baahida ku Xiran

Haddii aad calaamadisay “1” qaybta 1, ee lagu codsanayo khidma ka saamaxid sababta oo ah helida manfacyada dowlada (ee la yiraa “manfacyada baahida ku xiran” sida MFIP, SSI, MA iwm.) kolkaa waxa aad u baahan tahay inaad buuxsio qaybtan. **Haddii aadan calaamadin lambar “1” Qaybta 1, ka BOOD qaybtan.**

U buuxi hal layn oo shaxanka ah qof walba oo hela manfac. Kolka la buuxiyo, waxa dhici karta inay u ekaato sidan:

Ami Ahmed	Kali	Degmada Hennepin	MA	03/28/2013	01/01/2017
-----------	------	------------------	----	------------	------------

Eeg warqadaha aad haysato ee aad ka heshay hay’ada ku siisa manfaca si aad u hesho akhbaartan. Waxaa dhici karta inaad u baahato inaad waydiiso hawl-wadeenkaaga akhbaarta ama warqad ay ku qoran yihiin manfacyada aad heshaa.

Waa inaad soo dirtaa qoraalada cadeynaya manfacyada aad hesho iyo inta ay yihiin. Qoraal dhawaan ka soo baxay degmada ama Maamulka Sooshal Sakuuratiga (Social Security Administration) oo cadeynaya nooca iyo cadadka manfaca aad hesho waa cadeyn wanaagsan. Haddii aad u codsanayso saamaxida khidmada sabab ah inaad qaadato manfacyo uun, kolkaa waxa aad u boodi kartaa Qaybta 7.

Qaybta 5 – Dakhliga ah ama ka Hooseeya 150 Boqolkiiba Habraacyada Aqoonsiga Saboolnimada ee Dowlada Dhexe

Hadii aad calaamadisay “B” Qaybta 1, oo aad ku codsanayso saamixida khidmada sababta oo ah in dakhligaagu yar yahay kolkaa waxa aad u baahan tahay inaad buuxiso qaybtan. **Hadii aadan calaamadin lambar “B” Qaybta 1, ka BOOD qaybtan.**

Su’aalahaasi waxa ay ku waydiiyaan sida u kasbato lacag iyo cidda kula nool.

Su’aasha 2, “Manfacyada shaqaalaha shaqo la’aanta ah” macnahoodu waa jeeg ka yimaada Gobolka oo aad hesho. Manfaca shaqo la’aanta ah, sidoo kale badanaa waxaa lagaa rabaa inaad tagto meel shaqooyinka laga raajiciyo aadna la kulanto la taliye. Hadii aadan shaqo hayn laakiin aadan ka helayn wax lacag ah ama kulan ah hla taliyaha, kolkaa dooro “maya”.

Su’aasha 3, ku dar adiga naftaadda, xilahaaga (hadii uu kula nool yahay) ilmaha adiga kula nool (haddii ay 21 sanno ka yar yihiin aysana guursan ama ay waqti buuxa iskuul dhigtaan ayna ka yar yihiin 24 jir aysana guursan), waalidkaa haddii ay kula nool yihiin, ama haddii cid kale oo aad mas’uul ka tahay aad canshuurta ku xareysatay. Haddii aadan ahayn qofka qoyska madaxada u ah, ku dar qofka qoyska madaxada u ah (qofka ku xaraystay canshuur-celinta inuu mas’uul kaa yahay ama dakhliga ugu badan uu soo galo). Eeg tilmaamaha foomka ama la tasho qareen haddii aadan hubin cidda lagu darayo jawaab-celintan.

Su’aasha 7 waxa ay ku waydiisaa in dhamaan dakhliga xubnaha qoyska oo dhan loo xisaabiyo siddii iyagoo qayb ka wada ah xubnaha qoyskaaga.

Waa inaad soo dirto canshuur-celintaadii ugu dambaysay ee aad xaraysay iyo marmarka qaarkood jeegta shaqada dabadooda ee cadeynaya dakhligaagga. Hadii ay jiraan wax isbedelo ah oo xaaladadaada ku yimi intii aad canshuurta xaraysay, u sheeg. Isbedelada waxaa ku jiri kara: inaad shaqadii aad wayday, aad heshay shaqo cusub, laakiin aad ka qaadato lacag ka yar tan tii shaqadii hore, ilmo kale ay kuu dhasheen, furiin, guur, aad heshay shaqo lacag badan leh. Ku qor waxa dhacay meesha banaan ee su’aasha 9.

Eeg inaad xaq u leedahay khidmad saamixida kolka aad isku wada darto dakhligaaga. Si aad uga eegto Habraaca Aqoonsiga Saboolnimada ee Dowlada Dhexe, gal shabakada:

<https://www.uscis.gov/forms/filing-fees/poverty-guidelines>. Riix linkiga yiraa I-912P. Eeg dakhliga tirada dadka ee qoyskaaga ka dibna barbar dhig lambarka. Hadii lambarkaagu uu ka sareeyo, kolkaa waxaa dhici karta inaad helin saamixida khidmada. Waxaa dhici karta inaad u baahato inaad ku darto akhbaar ku saabsan dar-xumo dhaqaale oo ku haysata, aadna calaamadisid “3” ee Qaybta 1.



Hadii aad u codsanayso saamixida khidmada sabab ah dakhli hooseyn uun, kolkaa waxa aad u boodi kartaa Qaybta 7.

Qaybta 6 – Dar-xummo Dhaqaale

Hadii aad calaamadisay “3” ee Qaybta 1, oo aad ku codsanayso saamixida khidmada sababta oo ah in dakhligaagu yar yahay kolkaa waxa aad u baahan tahay inaad buuxiso qaybtan. **Hadii aadan calaamadin lambar “3” Qaybta 1, ka BOOD qaybtan.**



Qor waxa jira oo ka dhigaya wax adag inaad lacag u hesho waxyaabaha sida khidmada codsiga. Qor sida dar-xummada dhaqaale ay lacagi kaaga baxday iyo waxa bixida lacagtaasi ay tahay. Tusaale waxaa noqon kara hadii qoyska arrin caafimaad ku soo korortay ayna galeen kharash caafimaad oo weyn oo laga rabo in ay bixiyaan. Ama hadii qof madaxda kuu ah ee shaqadu uu saacadahaagii shaqada jaray ama hadii aad shaqadii ay kaa dhamaatay. Hadii aad u baahan tahay meel kale oo banaan oo aad wax ku qorto, isticmaal meesha banaan ee bogga 11.

Su'aasha 3, geli santuukha wadarta kharashkaaga bisha. Calaamadi santuukha mid walba oo ah waxyaabaha aad bixiso bil walba oo lagu daray cadadka wdarta ah. Waa inaad soo dirtaa dukumiintiyada cadeynaha waxyaabaha. Ku dar nuqulada heshiiska liiskaaga ee sheegaya kiradaada, iyo kharashaadkaaga kale ee sheegaya inta aad bixiso, nuqulada kharashaadka waaweyn, warqad qolada shaqadaada oo oranaysa in shaqadii kaa dhamaatay, cadeyn ah in gurigaaga lagaa saarayo.

Xulashadan waxaa caadiyan gaar loogu fidiyaa dadka leh dakhliga heerka 150% ka badan, laakiin dhawaan ay la soo darsen dar-xumooyin dhaqaale. Hadii aad midkan xulato, waa muhiim inaad cadeyso inaad kaafiyo karin baahidaada lacageed ee bil walba iyadoo sababtu tahay dar-xummo dhaqaale awgeed.

Qaybta 7 – Oraahda Codsadaha

Qaybtan, “Codsadaha” adigaa laga wadaa. Hadii turjubaan uu kaa caawiyey inaad fahamto foomkan, kolkaa waxa aad u baahan tahay inaad calaamadisoo santuukha “B” ee su'aasha 1. Turjubaanku sidoo kale waxa uu u baahan yahay inuu buuxiyo Qaybta 8.

Hadii qof kale uu adiga foomka kuu buuxiyey, ku qor magaciisa qofkaa su'aasha 2 waxa ayna u baahan yihiin iyana inay buuxiyaan Qaybta 9.

Ka dib kolka aad akhrido sii deynta, saxiix taariikhdana ku qor Foomka 1-912 (Form 1-912). Kolka aad saxiixayso waxa aad balan qaadaysaa in akhbaarta codsiga iyo dukumiintiyada kaleba ay run yihiin. Saxiixaagu sidoo kale waxa uu siiyaa hay'ada USCIS ogolaansho ay uga heli karto akhbaarta adiga kugu saabsan hay'ada kale hadii ay ugu baahdaan inay ka caawiso go'aansiga inaad xaq u leedahay saamixida iyo in kale. Kuwaa waxaa ku jira nuqulada warqadaha canshuur-celintaada dowlada dhexe.

Qof kasta oo codsanaya khidmad ka saamixid waa khasab inuu saxiixo taariikhdana ku qoro Foomka 1-912 (Form 1-912).

- Hadii ilmo 14-sanno jir uu yahay ama uu ka weyn yahay, waa khasab inuu saxiixo taariikhdana ku qoro foomka.

- Haddii ilmo uu 14-sanno jir ka yar yahay, waalidka ama mas’uulka sharciga ah ayaa u saxiixi kara taariikhdana ugu qori kara ilmaha. Si taa loo sameeyo, saxiix foomka ka dibna ku qor waxa aad isu tihiin ilmaha meel u dhow meesha magacaagu ku yaal.
- Haddii qofku uusan dhamaysan karin hawsha warqadaha naafanimo awwgeed, mas’uulka sharcieysan ayaa u saxiixi kara taariikhdana ku qori kara foomka. Ku soo dar dukumiintiyo maxkamadeed oo cadeynaya mas’uulnimada.

Qaybta 8 – Akhbaarta Turjubaanka

Haddii uu turjubaan caawiyey adiga ama qof xubin ka ah qoyskaaga turjubaanku waxa uu u baahan yahay inuu buuxiyo uuna saxiixo Qaybta 9. Haddii aadan isticmaalin turjubaan ku caawiya, uma baahnid inaad buuxiso qaybtan.

Qaybta 9 – Akhbaarta Diyaariyaha

Diyaariyahu waa cid walba oo aan adiga ahayn ee buuxisa foomkan. Waxaa ku jira qareeno, laakiin, waxa uu noqon karaa saaxiib, ehel, hawl-wadeen degmo ama cidii kale ee adiga akhbaarta kuugu qortay foomka. Haddii cid kale ay kaa caawisay buuxinta foomka, waxa ay u baahan yihiin inay buuxiyaan qaybtan. Haddii adigu aad wax walba qoratay, uma baahnid inaad buuxiso qaybtan.



Boostada soo dhig Foomka I-912 (Form I-912) iyada oo ay weheliso cadeyn ah sababta aad ugu baahan tahay saamixida khidmada codsigaaga. Ha soo kala dirin! Ku soo hagaaji ciwaanka lagugu siiyey tilmaamaha “Meesha laga Xareysto” ee codsigaaga laanta socdaalka ama foomka arjiga ah.

Xog Urursan oo ku saabsan macluumaadka sharciga MA AHA talo xagga sharciga. La tasho qareen. Ha isticmaalaan xogtan urursan haddi ay 1 sano ka soo wareegtay xilligii la daabacay. Weydiiso xogtii ugu dambaysay, liiska xogta urursan, ama aad ku hesho habab kale.

© 2026 Minnesota Legal Services Coalition. Qoraalkan waa la sii badin karaa waxaana loo adeegsan karaa oo kaliya hab shaqsi ah iyo waxbarasho kaliya. Xuquuqda kale waa mid la dhawray. Ogeysiiskan waa inuu la socdaa nuqul kasta oo la sii daabaco. Dib u daabicidda, sii qeybinta, iyo in loo isticmaalo hab ganacsi ah waa mid si adag loo mamnuucay.